

5493/3604(3)
TNC 3531-2/3604-24

蘭泉詩稿

29533

1825

蘭泉詩稿卷十七

長白福

慶仲餘氏著

酒泉集

簡命為安肅監司乃逾太行歷終南西度

伊涼抵肅州途中得句頗多按肅州

即古酒泉郡地當雄勝以之名集何

以無負壯懷

曉渡滹沱河次顏莘耕韻

長夏畏溽沱年來盛漲多雄濤千丈起寒
膽萬人過聽說時方早今朝水不波兩三
篙引處喬木繫絲蘿

和宿獲鹿大雨原韻

中宵雷電作澍雨快人心旅客欣驅暑農
民慰望霖金烏升碧海乾鵲噪青岑佳句
添新爽長吟在柳陰

夜度東天門

長途溽暑感勞人特地宵征夜向晨一路

燈光明樹杪幾行鈴鐸響風塵天門插漢
驚心遠石磴催蹄震耳頻造極登峯排闥
過煥然星斗覺相親

固關

我愛固關道由來天塹成千山龍虎踞一
徑馬牛行樓下臺高壘坡前洞忽明居然
仙境裏何處問蓬瀛

趙城懷古

緩轡秋風過趙城豐碑道左憶名卿如何

完壁歸來日猶有人曾避路行

咸陽縣

咸陽今作縣秦漢舊為京渭水於斯渡阿
房幾日成當年人逐鹿此際士趨庭生意
郊原徧田家喜氣盈

邠州大佛寺步額中丞韻二首

崔魏傑閣起山隈八丈金身亦壯哉鷲嶺
藏真雲護相梁山示現石為胎神工鬼斧
千年在鐵畫銀鈎萬里回

協揆永公自烏什回書大塊山

川懸遠近椿庭今廿載忍教回首話重来

征軺何敢望郊迎猶是當年客路情南望

岐山殘雪白東流渭水入秋清樓頭放眼

平如遠洞口澄心暗亦明多少蜂房高樹

杪應知何以報昇平

石壁高處穴如蜂房相傳舊時避兵處

平番至鎮羗道中作

峻嶺巖峯密樹幽紅橋百尺枕溪流秋風
秋雨平番道雪滿遙山擁敝裘

甘州謁外父永大中丞祠

并序

婦翁永大中丞常提督甘州後由
安西總督兩湖遷陝甘以大將軍
內大臣征阿睦爾薩納而終甘州
軍士建祠祀之前曾禱雨甘泉寺
屢應為立像奉之已三十餘年內
子隨任方六齡今偕赴安肅過此
具辦香往謁舊時部校有能言公
之德者足以見公之為人矣賦此
以誌景行

西州遺慟在甘州為拜衣冠此逗留三十
年來崇廟貌五千里外見松楸依然弱息
承顏色況有童孫薦庶羞一事如公思不
負軍民說着淚猶流

嘉峪關

雄關設險重遐方更耀觀瞻峻女牆乾隆

已酉重修城鼎峙崇樓霄漢接沙環培塿塞門

藏雪山綿亘九千里瀚海星羅二萬疆乾隆

二十四年開拓
新疆二萬餘里

帝德同天恩澤普共球何處不來王雪山即古
祁連山接終南山東西綿亘九千餘里連
西海山南為回部所居山北為準噶爾地

酒泉

灤洄如鑑水清漣酒味曾教世俗傳地理志注

應劭曰其泉如酒我正停車思一勺可能

不濁似廉泉

玉門縣

戎地秦曾居月支靖逆赤金地周西酒泉

郡古漢西陲漢設酒泉郡閉關往事三邊

絕明嘉靖中閉嘉峪關拓土宏猷萬世垂

同國朝定鼎西域內附康熙年間設靖逆

柳溝通判改調靖逆廳領靖逆衛赤金所

至乾隆七年改赤金所為衛二十四年因

西域武成拓疆二萬將靖逆赤金之地改

為玉門縣屬安西州村落碁布阡陌雲連

開渠引昌馬河水灌田熙皞成風歌

帝力從容判牘際清時時無玉門此際高

千古水利屯田處處宜
蘇勒河謁龍神廟安西州北五里
蘇勒河干野草生
我我祠宇水邊明昭靈

夢示泉頭活相傳西路行軍乏水夢永

助順此廟封昭靈助順龍神救建利

恩叨廟貌榮乾隆二十三年

濟遐方垂默佑芳名奕世仰休聲我来持

節西州道可有清徽鑒悃誠

安西州

敦煌古漢郡雍正元年置安西同知駐布

聖代設安西隆吉領安西衛乾隆二十五年

改安西府置淵泉敦煌玉門三縣三十年裁安西府改淵泉縣為安西直隸州領

敦煌玉東壁分星野天文志敦煌八度南山積

雪谿雪山在州南三百餘里東巨終吐番

隋氏據回鶻宋時犁宋元昊襲回鶻版籍

於今遠同文化已齊

肅州方物八詠

銀葉參差金棗垂遙看滿目自歲蕤尋常

不識安期幻入口方知沙作糜

沙葱

紫藤書屋

山坳沙中細葉披野人掎取可療饑微辛
妙似春初韭何用闌干首宿炊

白蘑

如箕如豆滿沙中玉立亭亭對曉風清入
晶鹽聊作餉回甘尤勝雨餘菘

邊外作兵
丁鹽菜

紅柳

綠葉紅枝細柳多河干一望影婆娑春深
野鳥鳴沙際破悶猶堪載酒過

回回帽

敦煌瓜美漢時誇自剖寒冰浸齒牙瓢翠
皮黃甘勝蜜團團香色未曾差

髮菜

郊原雨後乍紛披縷縷渾如鬢上絲隴右
野蔬剛入饌江南正是采蓴時

蓆箕

俗名芨芨草

徧野叢生幹似蘆成筐織蓆勝香芻西陲
不解工文繡燈火宵來樂歲餘

無鱗魚

何須彈鋏歎無魚水利田家各引渠釣得
鮮鱗如解甲全消烽火喜安居

長歌行

平沙一望靡所止乍見山環我心喜蜿蜒

綿亘十里餘星羅棋布臨河水俗名亂山

窟山頭東西列兩崗兩崗之上雙塔起不

知塔建自何年塔邊舊有豐碑峙下馬前

行欲讀碑風雨剝落渙漫矣摩娑細視立

碑人大書永公東萼氏永大中丞諱常姓

旗人余婦翁也曾總督陝甘碑自昔日安

西秉節來經營險要如平砥重脩雙塔勢

巍然巖工瞻眺情未已碑文云距安西百

歲久傾圮為捐俸興塔東河水聲激湍中

有盤渦深無底上狹下廣螭穴多吐沫流

涎利人死遠行悞涉良可憐立碑戒之為

南指又云塔東水光遙映即窟窟河盤渦

投石不竟其底且地近衝途視為淺流易

涉陷者頗多因假雙塔以示標準推之前

人建塔之意未能推前代建塔心仁人仁

政擅雙美長句題碑今復誰玉潤水清應
視此

辛亥嘉平月從戎出口夜駐阿什漢

頭台有作

公相西征萬目看從戎冬日據征鞍科爾喀

掠後藏特命福公相為將軍聲罪致
討以雍正六年曾取道青海征藏勅
由此路行軍勒制府以慶名入邊笳四起
告得

軍聲壯鼙鼓三更夜氣寒旌旆龍蛇輝皓
月擅廬燈火耀華冠千巖萬壑雄威滿一

路星臨愜眾歡

過哈套山馬上口占

風輕日暖似春和哈套山頭策馬過多少
圍爐窓下客只嫌塞上苦寒多

過登努爾台山

崎嶇山徑與天齊亂石縱橫碍馬蹄無限
荒涼行客苦不寒心處亦淒淒

醉草

獨榦紛披似稗形離離黑穗亦伶俜傳言

駝馬休教啗一醉人間便不醒

黃河渡

山自歌斜水自清黃河古渡舊時名此間
星宿源頭近不是春來拍岸驚

塞上

番戎游牧感悽涼大漠風沙是處黃亂石
縱橫迷鳥道荒灘曲折斷羊腸千山岑寂
平無樹萬水汪洋滙即塘水聚成塘名腦兒不見
遙村休眺望鞭絲帽影總蒼茫

阿拉克腦兒即事

朔風颯颯滿同雲雪意濃時夜已分虔禱
方殷朝爽出一番喜色動三軍

星宿海

并序

火敦腦兒華言星宿海在西寧之
西青海塞外西南一千五百餘里
玉樹番地余從戎青海軍台至其
地見山頭平地滿列清泉大小不
啻千百萬億海面數百里通衛藏

蘭泉詩系 卷之五
界東西徑百餘里泉水匯歸一處
向東流數里外遇天旱水小即伏
流沙中十餘里入阿拉腦兒即華
言花海是也其色濁雨多水大則
由地上流入花海水甚清判然中
分不與海水混雜流百餘里自花
海分出為哈達圖河又數十里轉
東北入察幹腦兒華言白海其色
清又經百餘里出而為黃河渡由

此自成河流然水尚清淺未嘗洶
湧混濁直趨東北番地過川省果
洛克邊界崇山峻嶺中流千餘里
衆水會歸勢漸大色漸黃自甘省
西寧西南入境此則黃河入中華
之始也由是經貴德界東南入循
化屬夷地其勢奔騰莫遏矣又折
而東北至蘭州北門外有浮橋冬
日凍冰橋乃天下黃河第一橋也

復折西北經寧夏歸化城又趨東北至潼關入腹地矣水經注云星宿海水伏流千里始出者未知何據或云星宿海在土爾番西南五百里名賀卜諾爾自闢展西至和闐南至後藏周圍萬里皆星宿海渺無人煙間有道路非戈壁即泥淖其東與北皆高嶺障蔽之伏流千里出山始見黃水一線火敦腦

兒乃其流派之一隅耳元至正十七年命都實為招討使求河源得火敦腦兒流入阿拉腦兒即此地

也

山頭平地列清泉宛若星辰應上天奉使從戎西海外青海即漢西海黃河源已得真詮清濁平分二海瀦黃河水入此中初伏流千里難徵信要檢閒窓未讀書

壬子元旦

一望蒼蒼日上初西征塞外駐檀廬行年
五十知非始客路三千尚有餘獻歲風光
山下雪傳家事業枕中書烽煙衛藏從今
掃大地昇平共樂昏

雪山行

公相西征秉節鉞奔馳許在戎行列士馬
歡騰出塞來隆冬草枯水泉竭驂騑不飽
明駝饑朔風刺骨寒凜冽山勢崔巍行路
難亂石縱橫馬蹄蹶蹶确枯焦獸遁踪無

枝可棲鳥飛絕度山剛喜得平原平原地
勢忽凹凸或如叢塚亂荒坵或如殘棋着
罷枰上設或如蠶叢箔上眠或如雕鑿流
雲萬卉迭曲折鳥道雜羊腸彎環窟穴足
跛蹙胡然又上最高峯低鋪白雲足下瞥
胡然下山涉大川晶瑩數里層冰結跬步
一滑勒馬行驚魂駭魄防蹉跌感發難堪
體不禁裂膚墮指真悽切更逢瘴厲氣逼
人弱者病亡壯者咽今朝又過達坂山仰

看萬丈皆積雪冷氣侵膚擁鼻吟崖壑堅
冰走屹嶮馬疽僕痛可奈何款段佳騎路
旁撒行路之難至此極蜀道之難難具說

通天河

七汊通天廿里餘層冰疊疊鏡光如瞭經
臺在西南岸誰讀當年梵字書

回騎口號

前行至九台哈倫烏蘇矣已過瘴厲鄉歡
聲呼可喜

重過日月山

青海分疆界重看日月山歸來春已半鬢
髮盡斑斑

沙拉庫托戍城

塞外征塵兩月餘忽逢城郭意先舒烽煙
永靖軍民樂四面環山聚野廬

和顏莘耕留別韻

多君品格迥非常共我勞勞走四方嘉峪
揚鞭揮暑去廣寒分桂入秋忙交情久篤

金蘭誼文字能撐錦繡腸惜別先期得意
早奪標應許報瑤章

石鞞

通天河中綠石古馬上携來驚罕覩為鞞
差堪永佩之說我寒冬走番土

夏日半園四詠

拾翠軒

散步繞迴廊庭軒頗高敞相對茂林幽池
水入夏長紅闌掩映中山半一亭爽

漪紋榭

小橋度園西疊石岸築榭三折水縈洄綺
紋朝日射坐久暑不知垂柳綠陰下

倚碧廬

老樹聚陰濃結廬最深處徙倚愛窓前碧
色留不去清風徐徐來到此無俗慮

曲鑑池

曲折引清流鑑光可人意魚躍與鳶飛池
中有遊戲蛙聲時一聞城市山林寄

午日惠回堡作

午日雄關外風光別樣妍堡在嘉峪關外

時迎土爾龍舟誰競渡蒲酒且隨緣茅店

笙歌香蚩氓角黍堅硯山窓北望空說露

華研土人取山石為硯

赤金湖

玉門多水草賴是赤金湖牧馬孳生廣澆

田刈獲殊七月始登麥野花鋪地錦村樹護山

嶠幾度征塵慣炎蒸喚疾驅

屯陞渠

鑿山十里引河流渠在肅州東南百里外

之上流十餘里更向山頭架木溝兩山斷

出洞始灌田引漫道肅州多水利灌田猶自費綢繆處架木

沙淤歲須挑挖

遣悶

長夏風多數大灣關外安西州俗稱大灣

云小灣酒泉為近玉門關半園此際

開窓望綠樹紅闌白雪山雪山自關內直

里南為烏什諸
城北即伊犁也

題靜林內兄所寄畫

閒情握筆寫溪山
遠道殷勤寄玉關
掃徑兒童迎客意
何時晤對笑開顏

半圃

半圃分畦好種蔬
公餘遊日遣居諸
菜根

有味誰云淡
瓜核通靈未盡虛
漢明帝時
燉煌獻異

瓜謂道士得自蓬萊東
王公遺核今瓜味尚美
引水源來千尺雪

栽花種自五台鋤
金蓮花色頗美
云得自五台
宛然綠

野成佳趣柳杏陰
濃畫不如

甲寅元旦喜雪用壬子元旦韻

瑞雪繽紛值歲初
農民相慶話茅廬
銀花

着樹春先到
玉粒盈倉兆有餘
煙靄南山

留積水灌田多引
氣凝西塞紀祥書
欣看

北闕恩波廣
繞膝兒孫共樂胥

雙劍行

有客朝來贈雙劍
一鏘白虹一紫電
也知
寄托存其名
且喜純鋼經百鍊
映月光如

接月華曲曲花紋繞亦徧偶彈一指訝長
鳴吹毛一過毛不見為言贈君君莫辭文
修武備均須練胸中遮莫有不平看此光
芒當一面留劔謝客客徑行飄然長往如
飛燕
贈次原朱國學并序
次原名韶塏蜀人也善針灸有老
嫗病篤治之立愈索詩為謝
妙術猶勞遠道臨沉疴頓起一金鍼逢人

懶說回生力舉手原存濟世心自昔涪翁
經解厄於今董奉杏成林更從巧裏搜良
法三折工傳入穀深

和邵亭靈員外見贈原韻

連日春寒料峭風東西策馬走相同余自

邵亭自伊抱慚為政三年拙景仰籌邊五

載功琢句清新知有自鼓琴老幼聽非空

對君大雅汪洋度苦我荒言報未工

九日書懷和朱喬松韻

一庭雪色正重陽風景催人感異鄉黃菊
未開花事緩茱萸欲酌酒盃香挑燈話久
情難倦近水寒多體漸涼未卜行期徒悵
望幾行踈柳任飛揚

初冬見月華

夜起不成寐邊關見月華晴空雲氣斂皓
魄彩光加簇簇三重蓋團團五色霞
聖朝多德化祥瑞兆無涯

蘭泉詩稿卷十八

長白福慶仲餘氏著

輪臺集

監司酒泉三載蒙

恩量移鎮迪自維愚陋當此新疆繁劇之
任夙夜兢兢烏能自已因有輪臺之
行偶有詠吟次為輪臺集

之官鎮迪道中作

鳳詔新銜出玉門驅車冬日比春溫承

恩政拙三年愧偃武邊防萬里屯投筆鷹
揚前列香珥貂建樹此心存輪臺遺跡今
猶在努力宣猷答
至尊

出嘉峪關內子向余云幼時從父出
入是關及今七度矣笑而答之

老妻七度走邊關昔日垂髫今髮斑回首
試看山色好一時啼笑畫圖間

惠回堡

遙望惠回堡雄關首要區方城留戍古曲
水灌田紆塞馬嘶荒驛耕牛飽野蘆使君
思問俗負弩出前途

過赤金湖宿赤金峽

湖平水草濶峽險犬狐藏塞上棲編戶灘
頭走野羊流沙西地遠衝曉北風涼冬日
殊堪愛征車忘路長

三道溝

殘雪盈溝密樹遮良田千頃護農家安西

首境多豐足一望郊原樂事賒

布隆吉爾道中

布隆吉爾古屯城出塞於今第五程坦坦
平沙鋪瀚海踈踈矮屋倚荒塍披裘箕踞
雙輪穩帶月推敲七字成不信長途冬日
冷承
恩挾纊勝春明

雙塔堡塔下窟窿河涉者陷不能起

永大中丞常余婦翁也勒碑表其

處余於辛亥過此曾作長歌紀其

事今再經其地口占二截

雙塔傍長流前人勒碑處行旅得指南仁
心永昭著

平山橫遠黛茂林相掩映小村四五家點
染成幽境

小灣

行行至灣河安西近焉矣鼠滿戲灘中磨
多雜沙裏雪足老農歡日暖貧民喜牛羊

夕下來茅屋且棲止

至安西謁疏勒河龍神祠

來瞻廟貌儼如生別有心香達悃誠此去

前途應默佑可能官不累清名土人相傳神即永

大中丞

自安西之白墩

沙石平如砥車行穩似舟長途無障礙遠

官足優游曠野輕寒峭微雲淡日浮白墩

遙指處郵舍望中投

紅柳園

晝短行程緩宵征繼晷餘朔風嘶塞馬斜

月上輶車紅柳枝還艷黃蘆葉未疏長途

無滴水我欲問方諸

甲寅初度宿大泉作

行過小泉店停車宿大泉今宵初度好明

日一陽先次日冬至世沐

君恩重心期事業傳撫時惟自警鬚髮半

蒼然

小憇紅柳河口占

陟崗上下路縈蟠遠望層層疊翠巒日暖
風微涼氣薄偕來婦子有餘歡

星星峽

山勢嶙峋秀呼僮緩着鞭幾忘來朔漠恰
訝走南天漫惜林泉杳惟嫌沙石連寒風
行不倦暖日勝黃綿

沙泉

沙裏出清泉有泉無曠土乃知邊塞中水

能聚商賈

苦水

地城水不甘入口嫌水苦試思滴水無有
水皆樂土

天生墩

土阜高如許天生作成臺前人曾掘井穴
地得風來

紅山子客舍小飲

米珠薪桂竟如何水價高於酒價多六十

里餘能浚井往來車載太奔波紅山子在瀚海周圍
百四十里無水草薪水皆取
格子烟墩相距六十餘里

長流水

邊荒多乏水到此水長流有樹新人眼無
風暖客裘崇臺聯百級古寺老千秋佳木
瓊瓏甚應教畫裏收

嘉平六日喜晤雅中丞德

哈密雄城接大荒親臣重鎮固巖疆西夷
拓地標銅柱東海朝

天邁越裳山北山南宏四達雪山南為回疆北即伊犁

烏魯木齊歲終歲始近三陽相逢知己歡無盡
況倚葭蓍喜更狂

煥彩溝

石分五色映朝暉煥彩還疑燕子磯幾處
林泉幽且靜山禽野雉喚羣飛

石城子

竒峯怪石訝雲堆石隙青松圖畫開記得
田盤松徑古恐教頑石讓崔嵬

臘八日過雪山

萬仞層層積雪長
驚心駭目共徬徨
雲中松嶺千重翠
日下水溪一片光
徑滑那堪留馬足
坡旋絕勝走羊腸
崇碑不敢磨崖讀
履險如夷感上蒼

山即關石圖嶺哈密

巴里坤界上有唐太宗時侯君集平高昌碑相傳讀之則風雪至

冬日松樹塘即景

千株萬株長蒼松
依稀攬挈走虬龍
中有一株插天表
衆松俯仰如相從
五大夫靈

秀所鍾耐寒勁節竟誰宗
雪海冰山無隙地
森森林立當其衝
潛藏鹿豕與狐兔
雪時野獸留行蹤
聞說秋來人射獵
哈密回衆振霜鋒
莫言塞上多枯寂
一看此地豁心胷

巴里坤即宜禾縣

北鍵新疆戶屏藩
巴里坤商民煙市集渠

水雪山源臺潤留勳蹟

國朝岳公鍾琪屯兵處今稱岳公

臺尚存

田豐闢塞屯鎮西為鎖鑰
撫治此心

存

宜禾縣

疎星點點小村羅阡陌真宜麥與禾境內

有泉皆列戶各村有骨拐泉尖泉子肋巴泉烏兔水等名民六百戶

灘中無地不生莎野羊成陣堪供獵健馬

如雲競渡河廢壘頽垣遺舊跡漢唐勲業

是誰多

白山子至戈壁作

已入奇台境寒風拂馬頭巖疆推首善雅

化速傳郵奇台縣設驛色必口積雪長途厚鳴鉦向

曉稠清泉甘似醴幾度泛茶甌

自噶順溝至戈壁俱在山溝繞行今

始得平川下宿三泉驛喜作

重重平坂下晴川回憶溝行一粲然恰喜

風清雲氣散碧天明月照三泉

奇台縣

奇台稱劇邑沃野足耕樵隊肅東城口人

趨西集橋炊煙迷玉壘冬日暖瓊霄黎首

三千戶全資德化昭
前行至古城儼然一都會商賈多紛紜風
景殊塞外我來正嚴冬日暖寂寒籟富庶
良可嘉物產亦為最安得徧遐荒如此其
云泰

濟木薩三章

唐有舊勳北庭都護宛然故城李衛公築

章一

望彼南畝阡陌雲連既庶且富載野載廛

章二

民之康矣時之昌矣物其阜矣千斯倉矣

章三

雙岔河至三台道中即景

十里長隄柳萬株清溪雙岔梗平蕪霜枝
尚醒征人眼料得春歸景自殊

三台道中

山環水曲護三台溪壑清幽雪一堆高樹

如屏黃葉壠方城似斗白雲隈野籬茅屋
炊煙直官廩崇墉霽色開畫不分明橋畔
路昏鴉接翅破寒來

博克達山 阜康縣柏楊河

三峯出雲表初祖有遺踪面壁無人見遙

聞澗底松相傳達摩曾在此山修道

阜康縣即景 舊名特訥格爾為唐金滿縣地尚有殘碑

望裏遙山映采霞依稀風景入中華長林
斜引行人路曲水滌迴處士家茅店村連

開鵝鴨星畦碁布足桑麻阜康地利徵名
實更見城闌樹半遮

至烏魯木齊 即迪化州

金湯保障重邊城雉堞巍峩氣象榮萬里
和風皆

雨露千山瑞雪比瑤瓊康衢物阜徵繁富
遠塞民安樂蕩平

聖德遐昌

恩澤普明刑弼教矢丹誠

登旭升閣步實夫穆太守韻魚贈福
望處 謙齋刺史

出塞三千里來登小閣中山寒留雪白天
曙引窓紅雅興成良牧閣為謙齋所建佳章遜次
翁輪臺真有幸星聚旭升東

春日答同人 乙卯

山川極目雪清塵萬里輪臺寂寞春對此
不須憐遠宦眼前半是故鄉人
初夏吐魯番六台吉遣使贈櫻桃

遠塞清和節櫻桃逐騎來酒泉三載憶飽
食笑顏開

夏日道經昌吉縣

放眼日方中迎車萬斛風綠含平野潤青
入遠山叢犬吠知屯近昌吉頭屯蘆草溝至呼圖壁俱有屯
田渠流喜水通桑麻隨處好塞外屢年豐

過綏來縣作 即瑪納斯

滅虜師還三十年烽煙淨盡久安邊雄關
橫枕當衝要西有靖遠關編戶通衢列市廛南北

中為通衢 二水清環 禾色秀兩山光耀玉
集商賈 華鮮玉產綠莫吟塞上淒涼曲是亦中原極
樂天

端陽日偕馬漢三登虎峯山作俗名紅山

剪虎端陽處處同虎峯直上借天工雙城

俯視千家小新舊二城東二水遙滋百頃

豐下即烏納樹色葱蘢新雨後雪光皎潔

乍晴中東南博克達打坂即靈山三峯插雲積雪不消霧起則雨雪至春

仲祀之列徘徊不覺胸襟爽綠艾青蒲也

舞風

和龍雨樵即席見贈原韻

嘉賓肯許惠然來花滿西園笑口開雨過

雲山人乍爽風吹翰墨句新裁恰逢長夏

難消晝且學臨流試舉杯此日車師文酒

讌烏魯木齊語驚四座羨奇才

立秋第二日見山書屋小集賦答龍

雨樵見贈原韻

列坐談元忘俗慮一時心跡喜雙清論文
獨具千秋識把酒同澆萬里情遠客風懷
無我相別裁詩格有誰爭吟來妙句愁難
和字字珠璣紙上生

鹽池懷古

邊功漢代說鹽池我正來逢木落時欲覓
殘槍問遺跡滿灘衰草自迷離

和岐東豐明府留題小齋含英室原

韻

豈有英華未易才分陰常惜隙駒催公餘
較射西園集棋罷論文北院開靜守三彭
學止水願持一鏡拭浮埃未能寡過難修
省多愧揄揚好句來

中秋對月書懷

塞上今宵月倍明也應萬里共陰晴勞勞

車馬東馳夜

眷屬初回都

澹澹雲山西望情

弟三

任直隸多倫諾爾同知

七寶仙聲同四海三峯雪色

感雙城酒闌徙倚時翹首多少衷懷數未

清

仲秋曉行古牧地

曉起行秋塞霜迎使者車重裘寒徹骨一
水凍凝沙雪壓山光淨煙橫樹影遮三峯
初日上望裏湛清華

九日偕蝶園登上方山作即東龍雨

樵

公餘邀客共登高怪石峯頭興自豪東望
玉關何處是雲山重疊目空勞

東郭西城帶水分萬家煙火接層雲是誰

釀得茱萸酒相與題糕一論文

溪流迴繞聽潺潺瀟灑同偷半日閒如許

天風吹俗慮有人乘興不登山

兩樵偕王孟諸君自

崖而返

贈友

萬里逢塞上相別已十年指我兩鬢霜憐
君更皤然舉杯勸君飲云戒酒不涎憶君
昔狂醉豪興何頓捐俯首一長歎歷歷心

煩煎語君毋自苦世態雲中煙
驅車來遠塞又見火爐紅屋雪融簷濕山
風闢戶通敲詩燈影澹看劍客心雄回首
平生事寒更數未終

丙辰初春作

去歲春風冷今春暖氣多
千山凝雪厚萬姓樂時和
遠道人猶昔鄉關夢若何
家書連日望不見雁來過

悼吳敬亭用謙齋刺史韻

誰使風流鬢未霜挽歌蒿里出東堂
丹青

餘事文留篆

曾寫寒香圖并鑄印章見貽

會計長才簿

壓牀雅集初春猶似昨高軒此日更何方

人琴剩有關心淚那得招魂問彼蒼

仲春侍烏魯木齊書制府麟恭祀博

克達山

重華

聖世際元春都護登山禮百神萬國承

恩新雨露

時奉

三江感德舊軍民

制府前督

兩祥雲繞處遮峯頂旭日升初映水濱

納下即烏遙望雙城添景色

來積雪滿畦畛

丙辰春日恭紀

千叟重開宴

乾隆乙巳開行明良喜氣多

三能星有耀兩戒海無波

恩澤寰中溥清平塞外和求賢

聖化育菁莪

孝廉方正

西園夏日

西園長夏正芳時人巧天工兩得之狎獵

萬花攢蜀錦安排一水聚仇池插籬引蔓

紛披葉種樹成行雜還枝判牘多閒忙未

了恰忘身尚在車師

寫林下高風圖贈福謙齋刺史并繫

以詩

蒼松翠柏引天和秋老梧桐結子多萬里

歸來無挂碍優游此際樂如何

題穆實夫太守逃禪圖

如是我聞有星精僧宰官使相三生可徵
況乃米汁醉為上乘君其一醉逃禪昔曾
大衆諦聽遠岫雲興僧耶醉耶月挂高藤
又題實夫調梅小照
灑氣衝寒勃勃生朱衣按劍碧山橫廣平
作賦同今古人與梅花一樣清

實夫太守招飲即席作

太守殷勤設綺筵紛紛簫管雜繁弦十年

舊話纏綿客萬里新秋去住緣福謙齋告

篆州美酒情深消夜月好詩才富挾飛仙頓

忘宦轍關山遠知己相逢豈偶然

宜秋館分詠為實夫太守作

雨聲

宜秋館北旭升閣西踈雨瀟瀟聽不齊銀

竹打窓驚午夢墨池添漲隔清溪空階徧

滴尋簷溜曲徑徐行惜屐泥縱少芭蕉傳

雅韻參紅山館望中迷

風聲

遙山噫氣吼長空乍湧波濤百粵東天馬
軼羣驚伯樂潛蛟奮起駭幽宮小樓震撼
燈花淡遠壑奔騰鐵騎雄塞上秋高聽不
斷可從此際御長風

書聲

平生最樂課兒書朗朗高華氣亦舒盡日
茶煙縈卷軸有時燈火出寒廬九邱八索

遺文古五典三墳舊業餘太乙榮光芸閣
滿籛金他日究何如

漏聲

枕上時聞滴漏聲靜中入耳最分明衝寒
響送橫窓月侵曉催開薄海城沉醉是誰
知水滿孤眠偏愛數更清尋常一樣聽來
慣那復秋高動客情

丙辰初度日穆太守即席賦贈依韻

和之

馬齒頻加長深慚白髮新花飛簾外雪杯
暖手中春建月推庚子初元肇丙辰座中
多雅句落筆總驚人

丁巳初春次沈存圃留別韻

津門人度玉門關萬里歸途馬不閒指日
放眸看海市春風回首說天山遙知兒女
牽衣話定有親鄰問客還石上緣如留未
了也應白髮晤蒼顏

和龍雨樵留別韻

自到車師後論文眼界寬高談消日永把
酒却春寒此去關山遠應如圖畫看何年
逢舊雨重話碧煙巒

西域懷古雜咏

張騫持節出陽關長夏披裘雪滿山大宛
歸來稱善馬貳師何處度沙灣
蜀通大夏接烏孫扼要輪臺舊漢屯欲制
匈奴斷右臂先從鹽澤逐河源
車師前後有王庭泥野功成馬不停才虜

樓蘭輕騎破酒泉亭障玉門屏
采將首霜種離宮武帝曾誇葱嶺東元鳳
羞貽行刺詐漫言介子有奇功
羈縻西域是宣城光武中興令不行可惜
屬夷三十六莎車當日任縱橫
班超謀勇足褒崇鄯善于闐在計中三十
七人通屬國渾身是膽見英風
馬者疏勒畏雄師威震龜茲音息降月氏
五十餘邦四萬里一時重譯賦東馳

定遠軍容整大綱豈知任尚少籌疆父風
猶在推班勇張朗邀功志未償

丁巳初夏見山書屋述懷

悠然見南山吾以名吾屋晴日山光來欲
雨空濛簇塞上多雪霜瑩瑩峯如玉春風
來何遲首夏始見綠綿綿短草生惜尚少
竹木明窓淨几時猶愧空食祿側聞戎馬
功時楚蜀教匪滋事延及陝笑我真碌碌
豫官兵勦之連獲勝仗
幸哉歲屢豐民情安崖谷何以答

君恩精勤母覆餗遇事必持平不妄作威
福較射以習勞時還展書讀山花插膽瓶
盈庭自芬馥

雨中

曉起霏霏雨空山起白雲西園花木潤南
畝稻梁芬暑退衣嫌薄寒生鳥喚羣池塘
新水碧魚戲動波紋

五色嬰粟

嘉慶丁巳六月六日輪臺官舍見

山書屋階前嬰粟一本三花花中

淺紅深赤嫩綠紫白相間五色燦

然洵異種也繪圖徵詩并繫一律

仙卉階前自吐芳一花五色豈尋常紛紅

駭綠攢雲錦傅粉凝脂簇米囊燦爛濃妝

饒娥媚祥和佳兆共褒揚碧紗籠罩多珍

重寫入丹青索雅章

秋日實夫太守招飲小集旭升閣即

席作

輪台共君宦倏忽已三秋招我良宴會閣
外風雨稠閣中錦洞天紅紫萬花幽閣中高下
布列六月菊豈是日之精雜還放遐陬籬菊塞
上少玩此也風流況乃靈山近三峯雪色
浮清光既如許涵虛孰與侔主人真豪爽
一舉累百甌客皆開口笑誰生宋玉愁乍
談今昔異忽忽感舊遊小閣建者誰譙齋
刺史留心情同庾亮佳景望中收憶我初
來日寒冬狐白裘歡言曾共酌登臨相唱

酬羨彼能高尚林下殊優游更惜風雅士

春風赴玉樓

吳敬亭

或已入關行帆影度蘆

洲或去為郎官命轡馳道周

謂龍雨樵

人

生別離多聚散雨中漚當此秋高日列坐
數觥籌席上青雲客舉目非前儔惟有君
與我相看兩白頭

中秋夜坐書懷

五旬有五二毛侵又值中秋搦管吟曝背
漸形衰老態看花猶是少年心一宵明月

闕山照萬里輪台雨露深寄語相思小兒
女可能此際共陰晴

長至日作

履長令節侍朝班萬國衣冠拜

聖顏宦海茫茫經宦海雪山疊疊度天山

風霜七載人應老雁磧三秋馬欲還邊俸將滿

屈指

虞廷逢考績春風先度玉門關

送岐東豐明府入都即用留別韻

官河折柳意無窮策馬東歸先後同十載

車師留宦績三秋渭水望郵筒正憐草色

叢叢碧從此霞光片片紅報最循良瞻

帝闕更看萊綵北堂中

嚴松坪新納姪人詩以調之

茗椀爐香共酒罇衣衫絮絮辨寒溫主人

有語花能解幾許閒情與細論

仲春間笳聲有感戊午

曾咏宜秋十二聲春來又聽戍笳鳴鳴鳴

不覺添鄉思，嫋嫋何堪警。宦情花欲重，鮮
人漸老冰猶未。泮地遲耕悽涼咽，似城頭
角遠塞茫茫百感生。
偶有所感作殘荷詞
殘枝敗葉無顏色，令人見之空太息。憶昔
花開小池中，嬌姿艷態那拋得。護以雕闌
濯以泉，主人日賞紅芳側。翠蓋漸枯花漸
老，妬花風雨來何早。頓失當時憐愛心，信
手摧殘如賤草。團扇逢秋捐棄多，飄零無

定將如何

天生紙并序

嘉慶三年四月烏魯木齊滿城北

門外地忽生紙，方圓十餘丈，其色

如宣，衆爭取之，裂數百片，誠異事

也。詩以誌之。

似繭如雲貼地生，化工巧幻幾時成。天衣
無縫渾難擬，十丈綿綿傍塞城。

題穆太守紅山送別圖

靈山魏魏出雲表三峯俯視衆山小下有
虎峯立河干力挽狂瀾於欲倒峯前秋日
送行人紛紛祖道來殷勤驪歌唱徹將歸
去暫駐檐帷聽我陳憶昔筮仕在兵曹已
見君家意氣豪論交杞梓等王貢騏足先
展禹門高乘傳徧覽巴蜀景振衣超越萬
山嶺詩興頻添酒興濃政成司馬入奏請
不教吏隱在人寰一麾出守玉門關玉門
關外輪臺古吏畏民懷去欲攀萬里還都

志感多寫成圖畫詠詩歌天各一方人惜
別我動於中喚奈何四載同舟氣味投白
頭傾蓋心悠悠此去又沾新雨露澤深源
遠水長流紅山綠柳色依依折柳吟詩今
在茲我數瓜期已有代來春握手無愆期
送別錢菊農即步見贈原韻
量移紫塞駐山城先後東歸萬里行磊落
襟懷推貴胄纏綿詩格見才名論文幸得
三秋聚欲別頻教百感生此去相思應更

遠可能雁字達郵程

中秋書事

綈袍初着覺微寒不定陰晴且倚闌瀚海
鴻飛關內去輪臺桂向月中看勾留豈為
天山雪暫住平分獬豸冠

鎮迪道有協佳
辦半年之例

景明年何處賞舉頭凝望白雲端

雲巖刺史九日招飲登旭升閣

風過紅山寒色侵旭升高閣共登臨無因
落帽留住話相與題糕覓短吟屈指冬初

將作別陶情秋老暫追尋遐方此日多良
友杯泛茱萸愜素心

將入關留別諸友

諸公名雋總超羣愧我疎庸也論文萬里
行踪酣午夢四年宦況任秋雲濫竽空有
趨蹌節脫穎曾無建樹聞剝得交情朋輩
在一時西望意殷殷

任滿將行與顧熊徐三明府小集官

舍即席留別

瀕行還宴客離緒共徘徊萬里將歸去三生幸聚來論文時有益判牘舊無猜別後何方晤勞君進一杯

三台夜發

驅車寒夜認三台一路鈴聲款款來月色當天清似水雪光鋪地淨無埃邊氓穩睡茅簷樂旅客分行沙磧開共道使君心跡爽玉關東入笑顏回

冬日自巴里坤度天山雄關經南山

出關山口至哈密作

鎮西蜃幻起城樓

鼉海蜃樓巴里坤一景也曉行見城垣戍樓

風日晴和度嶺頭

潤石圖嶺即天山俗稱雪連坂即巴里坤哈密

交界處

飄渺鐘聲鳴古寺依稀碑篆勒唐侯

嶺上有寺旁立唐侯姜行本侯君集等平高昌紀功碑字跡剝蝕高昌即今吐魯番

地流沙馬踏飛濃霧瀚海車馳蕩小舟何

事衝寒行塞外涼州移節過伊州

哈密即古伊州

甲寅仲冬出嘉峪關履鎮迪道任在

烏三載報滿候代例得協辦一年

於戊午仲冬七日入關至肅州喜
而有作

一宦輪臺久而今始入關遠村林密密暖
日水潺潺負弩驅前馬肩輿認舊山郊迎
來士庶踴躍總歡顏

歸途口占

長途安穩喜心舒夜即高眠起亦徐結習
未忘行未倦歸裝仍載一車書
出關吟詠紀程詩歸去還逢踏雪時那得

東風縈彩筆百花香裏寫相思

蘭泉詩稿卷十九

長白福慶仲餘氏著

涼州集

戊午之冬自烏魯木齊入關抵甘涼
道任計出關已越四年喜荷

新恩重經舊地撫時紀事即境言懷未忘

遠塞之音聊比涼州之曲

夜渡古浪

平聲峽

再渡古浪峽寒冰澗底環金雞鳴午夜玉

鎖鎮天關峽內有石鑿天關玉鎖四字淡月蒼茫外踈

星碧落間肩輿行處緩高下逐新灣舊路水冲

新開山道

重過烏梢嶺

雙旌搖曳馬東之小隊弓刀聽指麾空谷

雷驚初響礮戍臺風動颭懸旗衝寒不厭

重裘厚諺云一上烏梢嶺皮襖加一領遇暖方知午日熙

四載又來勞望眼層崖缺處覓新詩

紅城道中

此間多富庶冬日燦明霞處處流泉繞依

依密樹遮近聞雞犬應高積稻梁賒屈指

三春日知多桃李花

野狐城

崇墉凝望處人道野狐城畫閣凌霄漢霜

鐘響翠甍千山環峻郭一水護高閔乾鵲

迎人噪長林曉日明

即席贈廣省堂方伯蔡小霞廉訪

重逢舊雨倍相親夜話聯床意氣真四載

輪臺慚政拙三冬武始見猷新河橋日暖
冰來緩河橋結冰自下游而上更嶺陽生驛使頻舞
袖華筵良讌集勞人深感洗沙塵

黃土坡即景

黃土坡前綺閣孤隔窓望眼尚模糊寺中
獨立蒼松好管領風前樹萬株

連日望雪甚殷嘉平十日宿古浪夜

大雪驅車途次喜而賦之

瑞雪繽紛裏驅車景足誇軟紅塵不起濃

白地全遮壓嶺崑生玉沾林梅放花豐年
知有兆一望喜無涯

贈梅塢歐陽明府

學海淵源納細流前身應是謫仙傳天山

一賦空今古慚愧荒詞話遠陬西域竹枝詞百首承

校勘

已未元旦作

喜換桃符日

重華紀四年好音新克敵

川省軍營前已生擒首逆王三

槐近又生擒賊首羅其清入
及其餘黨大快人心也
覲順巡邊由涼州大靖堡元旦徵佳兆
車駐老泉

九旬

萬萬壽中外慶

堯天

本年恭祝
萬萬壽元旦頌

太上皇九旬
恩詔

宿靖遠即景

履端三日馬東行
喚渡黃河到靖城
水面舟輕冰始泮
山頭寺古雪初晴
向榮樹見

含生意閒詠人偏動
旅情春色漸深花漸
放愛看幽谷有遷鶯

宿打喇池潘將軍行館

將軍行館築高臺

將軍鎮原人
康熙中建此大厦雲連

戶洞開百尺登臨風料峭
四圍擁護壁崔嵬
南山俯視羣峯列
北斗低垂新月來
賓至如歸思往跡
邊陲堪羨棟梁才

題西安州子胥廟

子胥在當日智勇說兼全
防越機謀審伐

齊諫諍先西安神赫奕古廟我周旋階下
留銅礮重七前明成化年

至固原與姜星六觀察夜話

使君拔幟高文壇詞源浩浩蘇與韓

嚴荆襄秉節鉞一顧空羣青眼看君為先大夫

督兩湖時月課書院所旋宴瓊林許觀政

得士壬午遂舉于鄉刑曹赫赫濟以寬越峯粵水黔之疆今來

隴右服勇冠我因入

覲一假道杯酒談心兩相歡為言輕刑莫

鍛鍊黎庶含冤使心寒天理人情與國法

三者相準休相殘好生戒殺乃至性和氣

養之成一團和氣致祥非求福天道自然

別鹹酸更談佛教通佛教常樂我淨開其

端淨則生明如止水止水鑑物豈其難我

聞法言甘下拜瞭如指掌瀝膽肝君年古

稀猶矍鑠兒孫繞膝森琅玕賢哉積善有

餘慶願步後塵志不刊

瓦亭峽遇風

瓦亭峽中大風吼十丈軟紅逐山走馬上
行人雙目迷鳥獸奔藏入谷口大塊噫氣
意如何諺云春風可擺柳我謂擺柳多輕
狂安得去向東南吹戰場粗沙大石驅賊
寇助我王師凱歌揚
上元前一日宿邠州常樂坊
行館蕭疎駐使車階前紅綻牡丹芽龍鱗
擎蓋蒼松古鳳尾分屏翠竹斜天氣融和
冰乍泮月光皎潔玉無瑕漫言客裏虛佳

節已洗征衣萬里沙

永壽縣翠屏山武陵寺有壁峯上人
繡袈裟相傳前明洪武中馬后手
製以賜題詠頗多閱之有感遂題
一律

五百年前蹟尚留袈娑閒寄翠峯頭當時
繡賜先生剎此日衣傳水上漚明鏡有臺
原是幻菩提無樹幾曾休色空空色誰能
悟隻履於今在也不

蘭泉詩稿卷二十
長白福壽慶仲餘氏著
感
帝闕之
恩隆自顧菲才當斯鉅任惟有矢勤整飭
偕寮采以宣猷藉茲判牘餘閒對皖
江而分集

蘭泉詩稿卷二十

長白福壽慶仲餘氏著

皖江集

西塞分馳愧天山之政拙南圻秉節

感

帝闕之

恩隆自顧菲才當斯鉅任惟有矢勤整飭

偕寮采以宣猷藉茲判牘餘閒對皖

江而分集

已未春仲重過河間府作

廿年今又過瀛洲鬚髮蒼蒼說故侯吏隱
人寰豪興在天涯鴻雪爪痕留關心童叟
猶歡近回首風光異舊遊多少情懷悽斷
處白雲杳杳水長流守郡時曾蒙先太夫人恩
署在

抵皖城作

吳頭楚尾峙雄城文教蒸蒸富庶成千里
蒲帆波影亂幾層石塔曙光瑩龍山北繞

峯巒秀皖水南旋洲渚明浩浩江流雙眼
潤西來心跡喜同清

登大觀亭有感

大觀亭上望江流回憶當時六詔遊四十
年前青鬢好五千里外白雲愁幼隨先

曾遊昆明長林繞岸依稀似峻嶺環城曲
池大觀樓折收如此山川風景地惱人情緒不相侔

王家園遠眺

小築園林處臨江景最幽登高雲鳥倦望

遠水天浮重疊千峯樹飄搖一葉舟方亭
依翠竹入座好風留

赴泗州查勘水灾有感
乘舟行泗水泗水正汪洋禾黍苗全沒茅
簷壁半藏數篙臨外郭百雉宛中央黎庶
真堪憫悽悽滿路旁

泗州又作

毛城黃水溢泛濫動人愁官路施魚網民
田蕩客舟穿林窓入葉拍岸寺棲鷗何計

排淮泗安瀾慶有秋

次靈璧作

登高纔一望慘目動于中隱隱田廬在茫
茫滄海同桑麻何處話禾黍盡成空底事
遭陽九哀嗷四野鴻

查災至宿州悵然賦此

出自宿北門乘舟行陸地客問水何來只
為黃河溢先啟天然閘峯山洩其次其勢
益泛濫橫流因此致鄰封竟為壑彌望無

涯際上游源源來宣洩苦無備靈壁及泗
州汪洋一片被茅屋東西傾禾黍茫茫棄
童叟竟日號婦女臨風淚長官嗟曰來遷
爾高阜避飽爾以飢飢與爾片席寄含悽
且棲身側足恐失墜我見心愈傷慘然為
出涕昨繪流民圖飛章上奉盡在空亦章
丹陛賑卹許頻施
皇恩浩如海

北峽關

山勢蜿蜒秀葱籠密樹遮一關當阨要千
載仰休嘉有張公祠楓葉添秋色亭臯沍露華
峽中風景好沃野徧桑麻

奉

命會同荆中丞道乾履勘鳳泗各屬重陽
道中遇雨作

命重來視水鄉瀟瀟風雨正重陽白衣可
送茱萸酒綠野全收禾黍場回望龍山誰

躑躅怕經牛渚歎汪洋
參軍此日皆知已
猶可同吟句短長

送別陳望之中丞

名滙

半載侍荊州
丰裁與峻猷
和風仁萬物
亮節砥中流
知己推誠重
論思集益求
遂初今日賦
離恨永隨舟

題譚子受詩集後

名光祐南昌人

江邊一識鐵簫譚
別號鐵簫
別後相思入夢酣
瀟灑少年推世胄
風流豪氣羨奇男
三生

石上前因在千里舟中盡日談
止止行行雙集好吟來恍泛百花潭

題翁樸岑乘槎圖

笑傲江天空朱霞
旭日紅誰寫乘槎者
有意御長風
間昔在華邑
助成石塘工
焚疏感異夢
潮退果靈通
老趨皇極殿
入千叟宴中得沾

聖主恩天道報其功
我見叟年八十四
老當益壯矍鑠翁
圖中題詩已百數
好句如

花列錦叢索我一言以持贈籌添海屋彭
箋同

于役桐城雜咏

練潭新漲勢汪洋夜渡燈光照水光舟子
疾呼風雨驟一篙起處過中央

鴨嘴湖邊山水狂前驅無路衆張皇買舟

衝曉看煙樹破浪頻催桂棹忙鴨嘴湖水阻由練潭

買舟北上

榴花照眼近端陽競渡遺風盛水鄉岸上

雲鑼攬畫鼓看焚水府座前香

自天而下訝何來笑煞拘迂是鈍才記否

陳倉曾暗度何曾明向棧中回迂大路水阻

塚越天迎庄徑達桐城

庚申夏四兒博多歡赴粵東副將之

任順道來皖詩以勉之

吾家本宿將高祖宏毅入關多文臣先

祖太師輔政大臣先嚴世德蕭曹重

及諸伯叔俱中外歷顯輔
國恩耿鄧親忝予承堂構天衢壯志伸八

年塞上駐

安肅遷鎮迪

兩載皖江濱四兒副戎

闡光捧紫泥新辭

闕指嶺嶠過庭拂衣塵合室皆歡迎樂事

來天倫

天語勅為國練兵以衛民改除紈袴習勿

致家聲淪

具摺謝勉訓汝子改除紈袴之習以實

恩欽奉

殊批

訓練弁兵為國出力勿墜家聲深感沐

聖澤勉訓萬語申庶幾疆圉固永使風俗

醇揮豪以誌喜父子圖報均

和施雪帆登陟園佛閣看桂原韻

八年塞外冰霜苦江上於今兩逢秋秋來

一樣天邊月塞外淒涼江上幽況是桂枝

秋更好屏理入骨金搔頭休從月窺窮遠

目眼前雙樹森樓角

皖臬署有雙桂

秋風到處飄

金粟間有數株環禪閣悠然心清聞妙香

寶光珠雀集清邈有客興發神揚揚手摘

桂蕊滿口嘗澆詩覓酒向衲子休嚴戒律

且飛觴詩成迴觴一笑問可識仙袂飛鸞

黃

瓦硯 秦漢瓦當關中掘地得之

秦漢留殘瓦吉祥宮殿銘磨成團硯後銅

雀似踈星

泥硯 中州古井泥

堇泥出古井結就萬年堅為硯充文寶殷

勤滴露研

竹硯 孔元舒在窮記廣南以竹為硯

廣南斫巨竹作硯一翻新龍賓今是伴可

有鳳來親

銅雀瓦硯歌

從來大塊為陶冶鑄萬物由心寫河圖
洛書自成文卦象六書傳作者取諸大壯
棟宇營考之上古茅茨雅瑤臺璇室悲亡
辛峻宇雕牆誠有夏如何燕雀代處堂深
林廣囿圍原野漢末奸雄推阿瞞蔽國欺
君妄尊大三臺築處銅雀高二橋迥與晴
虹跨玉戶金鋪欄檻巧絹囊澄泥作屋瓦

質頗細膩製亦精紀年猶復建安假臺成
宴樂日荒淫歌姬舞女爭嬌妩一朝僥倖
得首邱分香賣履淚盈把七十二塚竟何
為轉眼靈文開石馬臺傾世易成滄桑片
瓦猶留漳水下水落瓦出拾作硯恍如玉
洗一角打瓦面鏤云洪武辛未翟我來皖
仙得於漳濱之深川口得此硯試滴露珠光欲瀉書齋許充即
墨侯未能免俗亦聊且因思十笏可容身
何必細旃與廣廈阿房柏梁何處是結綺

臨春亦虛也為之三歎作長歌過隙白駒
悟者寡悟者寡待如何良辰美景飛玉笋

長至後九日喜見雪

六出霏霏正及時梅花已放向南枝果能
一尺蝗應絕縱遜三分蟬不知若蟬之不知
寬論泛棹何年歸未晚閉門有客起猶遲
難忘塞上寒冬苦對此茫茫動遠思

辛酉春日書懷

年餘秉臬對江城愧說屏藩拜

寵榮忍見災區罹水患已未夏卽壩冲决

敬承

恩澤踏春行庚申冬合龍工竣辛酉春仍展賑一月官軍負

弩前驅導童叟焚香夾道迎深荷

聖慈與民望不知何以答生平

即景

宿麥初齊柳暗催桃花未放菜花開田家

風景江南岸叱犢人從鏡裏來

虞姬墓靈璧縣境

當年虞叟識英雄兒女情如國士風戎帳
幾番思故土舞衣何處話深宮楚歌徧起
千軍散駿馬哀鳴一劍空此日依依墓前
草淒涼猶似戀重瞳

雨中望江

細雨亂江風江間景不同濃雲連浩瀚遠
樹半溟濛水面跳珠急波心匹練空數帆
搖曳裏舟子坐推篷

和施雪帆挹爽亭小飲原韻

江南景物皆愛憐公餘偷得半日眠秉臬
開藩歲月遷料量小築東之偏經營舊址
勢本便苦無良匠心煩煎繪圖指點成新
鮮如蟻穿珠引以羶登高可望江上船迴
眸北顧龍山旋鳩工之初月如弦落成已
見月再圓謝朓瀟灑逸興傳陳蕃有榻曾
久懸客來招邀曲徑穿入座歡呼酒如泉
森森修竹風颼然階前白鶴舞茶煙長鳴
恍聽九臯巔藩署在
山頂笛聲飄渺出亭楊雪

帆詩狂欲上天朗吟長句誇爭先撫今懷
古追當年詞源滾滾來百川自稱拄鉤指
血薦發硯手截蛟螭涎詩人學人一身肩
喬松安論草芊芊風月笑爾言忘筌青蓮
長吉鬼與仙何須明鏡分蚩妍我間快論
心無牽堪消長夏開詩筵

秋晴

簾外風光照眼明秋來射圃快新晴碧桐
翠竹無邊爽白鶴黃鸝自在鳴倚几恰迎

龍嶺秀登臺如鑑皖江清時和更喜豐年
報物阜民安瑞靄盈

喜晤顏莘耕

古人重離別一日如三秋況乃分袂後寒
暑已十週梁月照顏色清光常在眸東海
霧黯黯瀚海風颼颼相思雁不到夢寐胡
可求前歲蒙

聖恩秉臬皖江頭逢人問君跡不知何地
留我今擢方伯仍在江上游八月良時節

君來駕輕舟鬢髮各已蒼膠漆欣再投好
雲思出山欲攬不得收從此長安去後會
難預籌聚散本無定音書望附郵

楊孝女刮絨花歌

緹縈救父傳千古曹娥有碑屹江潁楊家
孝女最堪憐寂寂無聞情更苦孝女子身
無弟兄雙親白髮憂惇惇甕牖繩樞茅舍
地親族掉頭何薄情室如懸磬炊無米楚
囚對泣貧如洗孝女遑遑死不辭巧計忽

生神所啟朝從鄰媪貸千錢買絨作花顏
色鮮奪他燕剪鶯梭巧奉我雞皮鶴髮天
春花秋月愁中度愁來閒向蒼天訴夏日
何辭深甌蒸宵燈獨耐三更雨朔颼冽冽
破窓檣映雪拈花肌粟生只緣烏哺忘寒
暑那許鳩媒問姓名如蠶吐絲蜂釀蜜鎗
銖篋裏牢局鐸送得雙親死亦休兩髻垂
垂已如雪賢哉孝女不置思煙銷塵滅誰
知之傳來此日淒涼調不減當年絕妙詞

滿座聞之皆歎息我亦吟成心惻惻窓外
秋風起颯然桂花一枝送香色

九日遊龍山不果登普照臺用雪帆

韻

濃雲罨中秋忽忽又重九滿城風雨聲悵
悵童與叟我來已三年未向龍山走此日
約一登雲復掣我肘曾記登紅山玉關重
回首對此好江鄉滿酌黃花酒持螯桐竹
間塞外未嘗有緩步上高臺徘徊瞻眺久

大江橫匹練揚帆舟左右崇山氣氤氳吞
吐神龍口正對景長吟佳句傳良友先已
得我心更約商可否

喜晤趙雪樵

與君塞上別瞬息已三秋相思日益深魚
雁杳難求閣人持刺入為報君來投喜氣
上眉宇倒屣出相酬渴懷快披寫訝君未
白頭調攝自有術還少得優游愧我鬚髮
蒼日懷從政憂請君彈綠綺入座松風流

塵襟得浣濯談笑無時休愧非陳蕃榻難
將徐孺留江南好風景明春約拏舟

西楚霸王墓

重瞳霸業有誰京古墓殘碑動客情勇敢
扶危能奪將慈祥重義不分羹八千陣列
風雷令五載鄉思畫錦行成敗英雄歸氣
數鴻門一宴最光明

初冬入

覲途次即景口占

集賢關外景怡神紅葉如花煥小春行到
白沙嶺上望山環水繞一番新

白沙莊和壁間韻

連日霜鋪瓦今朝雪作泥行人偏在道林
鳥不成栖問渡同雲杳尋村舊店迷旗亭
誰得句旅思亦淒淒

馬神橋雜咏用壁間韻

僕僕衝寒使者車前驅暫駐獻新茶萬松
掩映千山翠隱約人居四五家

雪後猶留玉數枝山溪光射碧琉璃遠村
靜裏高低唱知有人行日午時

壬戌初春暫權撫篆詩以誌勉

開府儀同已浹旬恰逢梅柳報江春問閣
安堵官多暇察察和衷化自淳二麥喜沾
時雨潤雙旌高拂曉風勻暫權節鉞期無
愧
天語煌煌誠世臣

春江夜渡

春水連天碧扁舟夜渡輕沙隄小草暗燈
火大江明不辨臨窓色惟聞隔岸聲喧傳
星使到官鼓正三更

時迎中丞

喜得曾孫女

祖德源流遠簪纓世澤綿耳孫嬌翡翠網
子繡婵娟週甲娛茲日添丁祝大年老懷
差可慰四代已開先

首夏出郊觀新苗至小龍灣得詩二

首

杏花村對石潭湖隔岸平林幾萬株漁子
牽舟閒曬網茶亭招客喚提壺江榴照眼
紅襟蹙水荇縈波翠帶紆愛煞沙鷗羣戲
處與人相狎了無虞
山環水繞小龍灣削出奇峯秀可攀萬頃
良田知沃野數間廣廈枕重關谷抽新竹
無邊翠門列蒼松特地閒我見伏波甘下
拜蕭齋幽間接溫顏

汪稼門中丞告在家養病便中晉

午日偶成

江城重五日屈指四番更競渡喧如舊香
羅着乍輕濃雲苦久雨新月報初晴忽憶
輪臺客相思萬里情

殷其雷行并序

皖江藩署東偏有皂角樹一株高
數尋大可合抱百年物也夜間常
聞樹中有聲嘉慶七年壬戌五月
二十九日風雨大作轟雷掣電厥

木斯拔雷火中或見攝去異物如
盤如輪視其下有異蟲數十長三
寸餘形似秋蟬微赤色頭生肉角
二其一在前長寸餘上分四歧微
後一角高分餘人皆不識考之書
傳亦不得其名宣州李司馬傳鎮
楚人也適來省見之云昔在楚南
攸縣見雷擊一物攫之而去形狀
與此畧同其長二尺餘大如車輪

肉角上現有女首髮鬢宛然土人
名曰狗膽且言其小者亦能化蛇
傷人即不化者亦毒甚涎水着手
必潰爛嗟乎酒銷怪蟲東方以對
漢帝手引白澤諸葛以詫吳軍宇
宙之大何物不有予愧未能博覽
羣籍駱駝瘡背良以自慚因作殷
其雷行記之

天地生物鉅細備胎卵濕化從厥類鼠肝

蟲背隨所遭正氣間氣逢其會山經爾雅
各異編日精月華別一天年丁五百避雷
劫或現變怪或作仙皖署東偏一老樹合
抱參天閣朝暮豈惟青莢浣垢塵且愛青
陰罨園路樹裏作聲不可尋乍如蛙鼓乍
蟲吟月昏雨黑更嘈切山妖木魅疑陰森
爾來午夜出樹飛聲雄翅勁去復歸公然
白晝攫雞去隔牆叫噪驚嬰兒礮雲忽從
西北起風為友兮雨為子阿香輞轆掉狂

車天帝顧之笑不已霹靂一聲震乾坤神
龍奮爪拔樹根巢空樹倒妖氛滅異蟲根
下遺紛紛奚童驚報且往看泥中戢戢攬
作團形似鳴蟬色微赤頭生肉角枝戟攢
持之問人但稱異博物張華未曾記宣州
司馬自北來直指其名敘往事司空山前
雲物愁精靈攝去蛻殼留身如車輪首如
女小者化蛇毒尚適而今此地乃復見見
之毛戴骨欲顛多聞於此釋羣疑格物誰

能註經傳殷其雷兮車輶軒祛邪除害無
羶腥吳頭楚尾兩振奮殷其雷兮果至靈

九日登龍山看晚稼

四載駐江城龍山此日行羣峯迎使節萬
樹送秋聲晚稻含煙秀畦蔬得露生本來
占稼穡隨意亦懷清

策馬登臨處環山面面幽蓼花隨意放楓
葉滿林秋曲折峯巒翠連漪泉水流當年
觴詠地零落亦荒陬

桓温開譙之龍山在當塗境

登岑須造極龍井在山巔步步依山去行
行到井前一泉石隙瀉百道地中旋更謝

山靈惠村居大有年

今歲苦旱龍山一帶賴此水灌田

山頭雙眼豁隱隱石門湖一線明江水千

家入畫圖回看羣嶺小低碍暮雲鋪天半

聞清唳誰言白鶴癯

皖江藩署芭蕉數本九月始花次施

雪帆韻

異花何必有心求窓外芭蕉綠未休佛座

金蓮呈寶相仙家珠露滴深秋迎風蕊綻
非關傲聽雨聲高易惹愁好句只應題葉
上詩筒珍重莫輕收

拙集編存二十卷因題於後

少小耽吟興最狂敢云格律費平章身經

萬里馳驅遠學愧三餘記問強二十卷成

多紀事六旬年過正登場

是秋奉撫黔今將就道

悲歡離合分明在含月琉璃近曉光

楞嚴經云

淨琉璃內
含寶月

悲燧續合分即武合民能繼立類次
 多於重以自平區五登
 萬里蟻跡盡學野三輔暗問銀二十卷
 文心觀名與景玉煇云林軒費平章良器
 開清此集融存二十卷因賦
 土語商在重莫雖如
 非歸燧類兩管
 金並呈寶酥山容





